


Manaqibe Khwaja Garib Nawaz

دَانِيْسُو



Compiled by :
Mohammed Suhail Razvi



Published by :
RAZA ACADEMY
52, Dontad Street, Khadak, Mumbai-9

MANAQIBE KHWAJA GARIB NAWAZ

رضي الله عنه

Bafaiz :

Huzoor Mufti e Azam Hazrat Allama
Shah Mohammed Mustafa Raza Qadri Noori
رضي الله عنه

Murattib :

MOHAMMED SUHAIL RAZVI



Published by :

RAZA ACADEMY

52, Dontad Street, Khadak, Mumbai - 400 009.

Tel.: 66342156 • Fax : 6665 9236

E-mail : razaacademy@hotmail.com • www.razaacademy.com

Silsila e Isha'at No. 609

Naam Kitab : Manaqib Khwaja Garib Nawaz رض

Murattib : Mohammed Suhail Razvi

Sane Isha'at : 1430/2009 Bamauqa 796wa Urs Garib Nawaz رض

Ta'daad : Ek Hazaar (1000)

Composed by : Mohammed Shahnawaz Barkati

Nashir : Raza Academy, Mumbai-9.

Matba : Raza Offset, Mumbai - 3.

175 BIRTH ANNIVERSARY

Sirajissalikeen Hazrat Sayyidina Shah
ABUL HUSAIN AHMED E NOORI MIYAN

Quddisa Sirruh, Marehra Mutahhara

**19th Shawwal 1430
9th October 2009**



INDEX

Darbaar-e-Khwaja	4
Mere Garib Nawaz	5
Manqabat e Khwaja	5
Nazr e Khwaja	7
Chehra Mere Khwaja ka	7
Suno Suno meri fariyad	8
Khwaja e Muqtadar Garib Nawaz	9
Manqabat e Khwaja	10
Tum se jo Mohabaat dil se kare	10
Khwaja e Khwajgaan	11
Dard o Gam Raahat o Taskeen mein	12
Hasnain ke pyare hain	13
Khwaja ka Aastaana	14
Khwaja e Sanjar Salam lo	15
Ya Moin ho Nigaahe Karam	16
Khwaja piya humko	17
Mere Khwaja Moinuddin Ajmeri	18
Ya Khwaja Moin	20
Sultanul Hind Garib Nawaz	21
Ajmer wale Khwaja	22
Sultanul Hind Moinuddin	22
Tu bada Garib Nawaz hai	23
Soorat e Mustafa Garib Nawaz	24
Khwaja Salaam lelo	25
Banaai mujh be nawa ki bigdi	26
Nigaahe karam mere Khwaja	27
Tera Naam e Paak Moinuddin	28
Khwaja e Khwajgaan	29
Dhoom hai Khwaja Usman ke angana	29
Tum ho Jaan e Ali	30
Tu Ibne Sakhi hai	31
Raushni	32

DARBAAR-E-KHWAJA

Biradar e Aala Hazrat, Ustad e Zaman
Maulana Hasan Raza Bareilvi ﷺ

Khwaja-e-Hind wo darbaar hai Aa'la Tera
 Kabhi mehroom nahin maangne wala Tera
 Hai teri zaat ajab behre haqeeqat pyare
 Kisi tairaak ne paaya na kinaara Tera
 Gulshan-e-Hind hai shaadaab kaleje thande
 Waah aye abre karam zore barasna Tera
 Phir mujhe apna dare paak dikhade pyare
 Aankhein pur-noor hon phir dekh ke jalwa Tera
 Tujh ko baghdaad se haasil huwi wo Shaan-e-Rafee
 Dang reh jaate hain sab dekh ke rutba Tera
 Kursi Daali teri takhte shahe jeelaan ke Huzoor
 Kitna ooncha kiya Allah ne paaya Tera
 Jab se tune Qadam e Gaus liya hai sar pe
 Auliya sar pe qadam lete hain shaaha Tera
 Muhiyuddin Gaus hain aur Khwaja Moinuddin hai
 Aye **HASAN** kyun na ho Mehfooz aqeeda Tera

MERE GARIB NAWAZ

Huzoor Muhaddise Azame Hind

Sayed Mohammed Ashrafi Jeelani Kichhouchawi ﷺ

Garib aaye hain dar par tere Garib Nawaz
Karo Garib Nawaazi mere Garib Nawaz

Tumhare dar ki karaamat ye baarha dekhi
Garib aaye hain aur ho gaye Garib Nawaz
Tumhari zaat se mera bada Ta'alluq hai
Ke main Garib bada tum bade Garib Nawaz

Laga ke aas badi door se main aaya hoon
Musafiron pe karam kijiye Garib Nawaz

Na mujh sa koi gadaa hai na tum sa koi Kareem
Na dar se uthunga be kuchh liye Garib Nawaz

Huzoor Ashraf e Simnaan ke naam ka sadqa
Hamari jholi ko bhar dijiye Garib Nawaz

Raza-o-Hamid-o-Noori ke naam ka sadqa
Hamari jholi ko bhar dijiye Garib Nawaz

Zamaane bhar mein mujhe kar diya Gani SAYED
Main sadqe jaun teri jog ke Garib Nawaz

MANQABAT E KHWAJA

Khalifa e Aala Hazrat Burhaan e Millat Jabalpuri رض

Sarkaar karam ke sadqe mein Khwaja ka rauza dekh liya
Khwaja ki Garib Nawazi ka darbaar mein naksha dekh liya

Sarkaar mein jholi phaila kar maango to kya kuch paaoge
 Allah ke fazl o rehmat se dete hain Khwaja dekh liya
 Jo leke tamanna aata hai wo leke muraadein jaata hai
 Andaaze talab bhi dekh liya andaaze ataa bhi dekh liya
 Rehmat ke khazaane bhi behad Khwaja ki sakhawat bhi behad
 Dete to nahin dekh liya magar daaman jo bhara tha dekh liya
 Darbaar e moin se beshak mehroom raha jo munkir tha
 Kitne hi tamanna waalon ko waasil ba tamanna dekh liya
 Miskeen o tawangar sab yaksaan jazbaat se kheeché aate hain
 Ek qabr mein sone waale ka insaanon pe qabza dekh liya
 Usshaaq ka majma rauze par parwaanon sa umadta aata hai
 Kya sham aa jamaale anwar mein sarkaar ka roauza dekh liya
 Jis noor ka jalwa kaaba aur taiba ko munawwar karta hai
 Baghdad mein aur ajmer mein bhi us noor ka jalwa dekh liya
 Jitne bhi wali hain aalam mein Agwaas bhi hain Aqtaab bhi hain
 Har Gaus o Wali, Abdaal pe hai Faizaan e Madina dekh liya
 Ek dhoom hai Allah waalon ki Ek shor macha hai hahu ka
 Nekon ke sabab badkaron par in'aam wali ka dekh liya
 Mardon ke hujoom e behad mein, hain aurtein bhi aur bachhe bhi
 Tehzeeb o Haya ka Khoon hum ne, in aankhon se hota dekh liya
 Is par bhi karam ne Khwaja ke mehroom kisi ko kab chhoda
 Rote huwe aane waalon ko hansta huwa jaata dekh liya
 Haazir bhi huwe chaadar thaame bose bhi liye Salaam kiya
 Maangi bhi dua **BURHAAN** pe karam tha Gaus o Raza ka dekh liya

NAZR E KHWAJA

Huzoor Sayyidul Ulama Syed Aal e Mustafa صلی اللہ علیہ وسلم

Tere Paaye ka koi humne na Paaya Khwaja
Tu Zameen Waalon pe Allah ka saaya Khwaja

Makre Shaitaan se mureedon ko bacha lete ho
Is liye Peer tumhein humne banaaya Khwaja

Joshe masti mein kayi aaye hain aise lamhe
Main bahek jaata magar tumne bachaaya Khwaja

Bekhudi mein main khudi ko khuda keh deta
Shukr hai tumne magar yaad dilaaya Khwaja

Le Chaleinge jo Farishte mujhe dauzakh ki taraf
Main pukarunga zara Thehro Wo aaya Khwaja

Meri kashti abhi saahil se lagi jaati hai
Ek zara tumne agar haath lagaaya Khwaja

Bar bate Ishq pe Mizraabe amal se tumne
Nagma tauheed ka kya khoob sunaaya Khwaja

SAIYAD e Khasta ko Ummeed e Huzoori kab thi
Sadqe jaoon tere kya khoob bulaaya Khwaja

CHEHRA MERE KHWAJA KA

Khalifa e Huzoor Mufti e Azam

Allama Saiyad Abdul Haq Qadri Chishti رحمۃ اللہ علیہ

Tasweere Muhammad hai Chehra mere Khwaja Ka
Kaaba Hai Faqeerон ka Rauza Mere Khwaja Ka

Nazron mein nahi aati kaunain ki sultaani
Shaahon se bhi Afzal hai Mangta Mere Khwaja Ka

Shaadi mere Khwaja ki kya shaan Niraali hai
Aaya hai Madine se Sehra Mere Khwaja Ka

Jisko na Yaqeen aaye Ajmer mein Dekh aaye
Bat ta hai wahaan ghar ghar sadqa mère Khwaja ka

Dekho to sakhaawat mein kya shaan hai Khwaja Ki
Khaate hain Shahenshah bhi Tukda mere Khwaja ka

Duniya ki taraf Zahid Kis tarah palat Aaun
SAIYAD ne bataaya hai Rasta mere Khwaja Ka

SUNO SUNO MERI FARIYAAD

Khalifa e Huzoor Sadrush Shariah
Ashshaikh Abdul Haq Syed Azmi ﷺ

Suno Suno meri fariyad ya Garib Nawaz
Kise sunaun tumhare siwa ya Garib Nawaz

Moin, Hind mein mazloom aur bekas ka
Hai aur kaun tumhare siwa Garib Nawaz
Hayaat o Maut hain wabasta aapke dar se
Na karna Dar se Khudara juda Garib Nawaz

Isi ummeed pe kehta hun tumse afsaane
Ke khatm ho yahin Qissa mera Garib Nawaz

Ye maana aur bhi mushtaaq deed hain lekin
Idhar bhi partawe rukh ki ziya Garib Nawaz

Main tang dast hun daaman bhi tang hai mera
Ataa hai aap ki be inteha Garib Nawaz

Tumhara **SAIYAD** e miskeen Ro ke kehta hai
 Nazr karam ko ho ek baar Garib Nawaz

KHWAJA E MUQTADAR GARIB NAWAZ

Khalifa e Huzoor Mufti e Azam, Bulble Hind

Mufti Rajab Ali Naanparvi ﷺ

Khwaja e Muqtadar Garib Nawaz

Deen ke taajwar Garib Nawaz

Ho nazar aapki to ban jaaye
 Be hunar Baa hunar Garib Nawaz

Haal bigda bane mera Khwaja

Aisi kardo nazar Garib Nawaz

Faiz e jalwe se dil munawwar ho
 Dil mein ho jalwa gar Garib Nawaz

Rukh dikha dijiye to ho jaaye

Shabe gam ki saher Garib Nawaz

Ek ishaare mein door kar dijiye
 Mera darde jigar Garib Nawaz

In tabeebon ne de diya hai jawaab

Aap hi lein khabar Garib Nawaz

Aapke aastaan pe haazir hun
 Jaaun aakhir kidhar Garib Nawaz

Main khataon pe apni naadim hun

Aage ye Sar ye dar Garib Nawaz

Behre Usmaan Khwaja e Harooni
 Bar **RAJAB** yak nazar Garib Nawaz

MANQABAT E KHWAJA

Khalifa e Huzoor Mufti e Azam

Hazrat Raaz Ilahabadi

Kya faiz rasaan Khwaja darbaar tumhara hai

Duniya ne yahin aake daaman ko pasaara hai

Khwaja zara dekho to kya haal hamara hai

Tooti hui kashti hai aur door kinara hai

Wo hind ke raja hain main unka bhikari hun

Khaali main chala jaun kab unko gawara hai

Sarkaar madine ke sadqe mein ataa kar do

Daulat bhi tumhari hai mangta bhi tumhara hai

Rehmat ki ghata banker barsaa jo gareebon par

Ajmer mein ek aisa Allah ka pyara hai

Ajmer ke aashiq hain Khaadim hain barielly ke

Ye dar bhi hamara hai wo dar bhi hamara hai

Sarkaare madina ke Naib hain mere Khwaja

Ajmer ki galion mein taiba ka nazara hai

Labhaaye Mubaarak se itna bhi kabhi keh do

Ye RAAZ hamara hai ye raaz hamara hai

TUM SE JO MOHABBAT DIL SE KARE

Tum se jo mohabbat dil se kare

Sultanul Hind Garib Nawaz

Khwabida muqaddar jaag uthe

Sultanul Hind Garib Nawaz

Deedar ke taalib aate hain
 Ushshaaq ka jamghat reta hai
 Har waqt dare aqdas pe tere
 Sultanul Hind Garib Nawaz

Sarkar e Husain ke pyare ho
 Usman ki aankh ke taare ho
 Phir kyun na zamaana dar pe jhuke
 Sultanul Hind Garib Nawaz

Aafato alam ka ghaayal hoon
 Chashmaane karam ka saail hoon
 Fariyaadi hoon kuchh to daad mile
 Sultanul Hind Garib Nawaz

Hairat se farishte takte hain
 Aur mil ke baham ye kehte hain
 Kya shaan kya rutbe hain tere
 Sultanul Hind Garib Nawaz

SAYED bhi hain daaman phailaaye
 Darbare muqaddas mein tere
 Sadqe mein Ali ke bhar dijiye
 Sultanul Hind Garib Nawaz

KHWAJA E KHWAAJGAAN

Khwaja e Khwaajgaan Khwaja Moinuddin Hasan
 Aaftaab-e-Chishtiyaan Khwaja Moinuddin Hasan
 Waaqife sirre Haqeeqat Raazdaare Maarifat
 Muqtada-e-Aarifaan Khwaja Moinuddin Hasan
 Rehrawane raahe talab khwa hi ke ta manzil rasi
 Saaz een wirde zuban Khwaja Moinuddin Hasan

Shahkaar-e-bazme irfaan fakhre bazme kaamilaan
 Iftikhar-e-qudsiyaan Khwaja Moinuddin Hasan
 Chaara saaze darde isyaan gam gusaare aasiyaan
 Dastageere be kasaan Khwaja Moinuddin Hasan
 Taajdaaraan dar huzurash dast basta guftanad
 Maalike Hindustaan Khwaja Moinuddin Hasan
 Dil figaaram be qaraaram dard furaqat roz o shab
 bas huwi taskeene jaan Khwaja Moinuddin Hasan
 Dar tawaafe rauza'ash **SAYED** kunad umre tamaam
 Kaaba e maa Chishtiyaan Khwaja Moinuddin Hasan

DARD O GAM RAAHAT O TASKEEN MEIN

Dard-o-gam Raahat o Taskeen mein dhal jaate hain
 Jab karam hota hai haalaat badal jaate hain

Un ke qadmon pe jo girte hain sanwar jaate hain
 Jab karam hota hai haalaat badal jaate hain

Banke parwana yun hum ishq mein jal jaate hain
 Surate shame' khamoshi se pighal jaate hain

Rakh hi lete hain bharam Shaane karam se sadqe
 Unke dar par jo ye deewane machal jaate hain

Jin pe hota hai Khwaja ke karam ka saaya
 Sar se toofano bala khez bhi tal jaate hain

Mil hi jaayega utaara kabhi sadqa tera
 Tere saail isi ummeed pe pal jaate hain

Jab se dekha hai teri bazm ka aalam khwaja
 Dekhne waale har ek bazm se tal jaate hain

Ye zamana tere deewano ko kya badlega
 Tere diwane zamane ko badal jaate hain

Unko ab daulat duniya ki zaroorat na rahi
 Tere mangta tere tukdon hi pe pal jaate hain

Meri Aankhon se tapakte hain jo aansu **SAYED**
 Wo dare aqadase Khwaja pe machal jaate hain

HASNAIN KE PYARE HAIN

Hasnain ke pyare hain Haider ke dulare hain
 Kehti hai jinhein duniya Khwaja woh hamare hain

Khaaliq ki yahaan rehmat din raat barasti hai
 Shaahon ki shahenshaahi is dar ko tarasti hai
 Ye dar wo dar jis par qurbaan nazaare hain
 Kehti hai jinhein duniya Khwaja woh hamare hain

Ye Khwaja e sanjar hain rehmat ka samandar hai
 Aur Gulshane Zehra ke anmol Gule Tar hai
 Aa aa ke yahaan daaman shaahon ne pasaare hain
 Kehti hai jinhein duniya Khwaja woh hamare hain

Batlaa kya bigaadegi aye gardishe dauraan tu
 Hat door abhi warna howegi pashemaan tu
 Maaloom nahin tujh ko hum kis ke dulare hain
 Kehti hai jinhein duniya Khwaja woh hamare hain

Aye Hind Vali Khwaja aye dilbare Paigamber
 Hasnain ke jaani hain taskeene dile Haider
 Aur Khwaja e Usmaan ki ye aankh ke taare hain
 Kehti hai jinhein duniya Khwaja woh hamare hain

Mushkil ne hai ab ghera sarkaar kahaan jaun
 Hai koi nahin mera sarkaar kahaan jaun
 Mere to mere khwaja bas aap sahaare hain
 Kehti hai jinhein duniya Khwaja woh hamare hain

Majhdaar mein kashti hai aur door kinaara hai
 Ya Khwaja madad kije bekas ne pukaara hai
 Gar aap karam kardein toofaan bhi kinara hai
 Kehti hai jinhein duniya Khwaja woh hamare hain

Ye maangne wale ko duniya bhi dilaate hain
 Duniya to hai kya **ARMAAN** ye haq se milaate hain
 Hai Rabbe Jahaan in ka aur Uske ye pyare hain
 Kehti jai Jinhein duniya Khwaja wo hamare hain

KHWAJA KA AASTAANA

Sehre chadhe huwe hain Maula ki rehmaton ke
 Dulha banaa huwa hai Khwaja ka aastaana
 Kya jaane koi kya hai Khwaja ka aastaana

Jalwon ke chand chamke har simt noor phaila
 Kiski haram saraa hai Khwaja ka aastaana

Jo kuchh bhi maine paaya Khwaja ke dar se paaya
 Kya makhzane ataa hai Khwaja ka aastaana

Har simt zu fishan hai Allah ki Tajalli
 Kuchh noor se siwa hai Khwaja ka aastaana

Qismat ke tum dhani ho Hindustan waalon
 Qismat se mil gaya hai Khwaja ka aastaana

Kaliyaan mahek rahi hain bulbul chahek rahi hai
 Gulzaare purziya hai Khwaja ka aastaana

Hai aarifon ke sajde Khwaja ke dar pe **ZAAHID**
 Kaaba bana huwa hai Khwaja ka aastaana

KHWAJA E SANJAR SALAM LO

Waaliye Hind Khwaja e Sanjar Salaam lo
 Charkhe vila ke mehre munawwar Salaam lo

Aye Noore Chashme Khwaja e Usman Moine Deen
 Irfaan ki amaanatein makhsoos ke ameen
 Allah ke habeeb ke dilbar Salaam lo

Noore nigaahe paara e qalbe Hasan Husain
 Binte Rasool Sayyada Zehra ke Noore Ain
 Aye Warise Ali -o- Payamber Salaam lo

Waali-e-Hind naaibe Sultaane Ambiya
 Laaraib tum ho waarise Irfaane Ambiya
 Aye Shahkaare san'ate daawar Salaam lo

Rukh is taraf bhi pher do faizaane aam ka
 Sadqa ataa ho Qutb o Fareed o Nizaam ka
 Aye Chishtiyon ke maalike sarwar Salaam lo

Tum par aashkaar hamare dilon ke raaz
 Aye taajdaare chisht sakhiye gada nawaaz
 Aye bekason ke moniso yaawar salaam lo

ARSHI tumhara shaire darbaar ya Moin
 Tum ne kiya isey gule gulzaar ya Moin
 Haazir hai dar pe aye shahe sanjar Salaam lo

YA MOIN HO NIGAAHE KARAM

Ya Moin ho nigaahe karam hai inaayat ke mohtaj hum
 Khwaja e Khwajaan Shaahe Hindustaan
 Jaanasheene Rasoole Umam

Door kab hai ye insaan se tum nawazo jo faizaan se
 Khalq ke rahnuma ho jo chashme ataa paar beda ho toofan se
 Door ho dil ke har ranj o gam paas aaye na koi alam
 Khwaja e Khwajaan Shaahe Hindustaan
 Jaanasheene Rasoole Umam

Apne dar se na kariye juda aasra ab kahaan hai mera
 Jaoonga main kidhar tera dar chhod kar aur koi nahin hai mera
 Sar hai is aastaane pe kham dil hai Chishti piya ka Haram
 Khwaja e Khwajaan Shaahe Hindustaan
 Jaanasheene Rasoole Umam

Hum hain gam ke sataaye huwe aastaane pe aaye huwe
 Ab to Khwaja idhar dekh lo ek nazar baithe hain sar jhukaye huwe
 Hojo hum pe nigaahe karam kyun ho ashkon se ye aankhein nam
 Khwaja e Khwajaan Shaahe Hindustaan
 Jaanasheene Rasoole Umam

Shaahe Usman ke noore nazar chashme lutfo karam ho idhar
 Mere Khwaja zara ek nigaahe ataa tum ho behre sakha ke gohar
 Jholi phailaye baithe hain hum aaqa rakh jaaye behre karam
 Khwaja e Khwajgaan Shaahe Hindustaan

Jaanasheene Rasoole Umam

Aagaya aagaya mera mushkil kusha aagaya
 Mushkilein hal huwi bigdi baatein bani chisht ka dilruba aagaya
 Kardiye door sab mere gam rakh liya bekasi ka bharam
 Khwaja e Khwajgaan Shaahe Hindustaan

Jaanasheene Rasoole Umam

Jab kahaani ka itmaam ho lab pe Khwaja hi ka naam ho
 Bas hai **ARSHI** yahi aarzu aakhri zindagani ki jab shaam ho
 Nikle Khwaja ki chaukhat pe dam hai jo duniya mein rashke iram
 Khwaja e Khwajgaan Shaahe Hindustaan

Jaanasheene Rasoole Umam

KHWAJA PIYA HUMKO

Khwaja piya humko dar pe bulana
 Dar pe bulake apna jalwa dikhana

Karna karam Khwaja Mohammed ke sadqe
 Hasni Husaini laalon ke Sadqe
 Gause Jali Lajpaal ke Sadqe
 Khaali na dar se hamein lautana

Naame mubaarak vird banaalun
 Noorani Soorat dil mein basaalun
 Tere naqshe paa ko manzil banaalu
 Qadmon mein tere ho mera thikana

Dar pe pada hoon liye dil mein hasrat
 Zara aake chilman se dikha dijiye soorat
 Khaadim muraadon pe barsaane rehmat
 Noorani saa'at mein khwab mein aana

Bura ya bhala hoon, hoon to tumhara
 Haroon peer ka dedo sahara
 Thaame rakhun khwaja daaman tumhara
 Dar se na sage dar ko hataana

Zara meri tooti kabariya mein aakar
 Karna madad meri aye mere Sarwar
 Noorani Jalwon se Raushan banaakar
 Nakeeron ke hathon se haath chhudana

Shaahe Arab ki bheek dilado
 Gairon ki dualat se Lillah pata do
 Duniya ki ulfat se dil ko chhuda do
AASI ke seene ko raushan banana

MERE KHWAJA MOINUDDIN AJMERI

Mere Khwaja Moinuddin Ajmeri
 Naam uncha tera badi shaan teri

Teri noorani nagri mein ghoom aaun
 Teri pyari si jaali ko choom aaun
 Dekhun rauza tera ye hai hasrat meri
 Mere Khwaja Moinuddin Ajmeri

Tumhein Taiba se Hind mein bheja gaya
 Taaj Hind ki khilafat ka bakhsha gaya
 Rab Ta'ala ne ki badi shaan teri
 Mere Khwaja Moinuddin Ajmeri

Chalo utho faqeeron bharo jholi
 Sab ki bigdi banaate hain Hindal Vali
 Rehmate haq ki dete hain manzoori
 Mere Khwaja Moinuddin Ajmeri

Teri nagri to tukda hai Jannat ka
 Sadaa saaya figan abre rehmat ka
 Noori darki fiza hawa masti bhari
 Mere Khwaja Moinuddin Ajmeri

Ye hai tera karam jo bani baat hai
 Warna main kya hun kya meri auqaat hai
 Tera Ehsaan bada rakh li laaj meri
 Mere Khwaja Moinuddin Ajmeri

Maalo zar ki to koi tamanna nahin
 Ja Hasham ki to koi zarurat nahin
 Teri ulfat hi hai Aaqa daulat meri
 Mere Khwaja Moinuddin Ajmeri

Aake mushkil kabhi jo hai sar pe padi
 Jo pukara Tumhein to tali us ghadi
 Ujde dil ki kali pal mein kardi hari
 Mere Khwaja Moinuddin Ajmeri

Chhod kar dar tera main kidhar jaun
 Thaame rauze ki jaali main to mar jaun
 Rahun tera gada ye hai hasrat meri
 Mere Khwaja Moinuddin Ajmeri

Aqa AASI pe ho jaye itna karam
 Do jahaan mein rahe Aqa us ka bharam
 Karo dar ka gada bharo jholi meri
 Mere Khwaja Moinuddin Ajmeri

YA KHWAJA MOIN

Ya Khwaja Moin Zehra ke Haseen
 Mori baat bani rehjaye, Sarkar
 Mori baiyyan pakad lo aayi hun tumhare dwaar

Kis se kahun dukh bipta koi nahin tumre siwa
 Waasta aye shere khuda meri taraf chashme ataa
 Tadpe mora man roye jiyara hojaye mujhe bhi to deedar
 Mori baiyyan pakad lo aayi hun tumhare dwaar
 Garib Nawaz Hind wali Maharaaj

Chhod ke ghar aur nagar tumre liye jog liya
 Ab to karo kuchh kirpa khushiyen de jog liya
 Main to hun dukhi par hakke jali taane na mujhe maare sansaar
 Mori baiyyan pakad lo aayi hun tumhare dwaar
 Garib Nawaz Hind wali Maharaaj

Mangta main Tum Raaja main adna Tum Aala
 Zarra main Tum Suraj qatra main Tum dariya
 Tum sa jo nahin duniya mein sakhi mujh sa bhi nahin koi naadaar
 Mori baiyan pakad lo aayi hun tumhare dwaar
 Garib Nawaz Hind wali Maharaaj

Chishty Nagar ke Dulha walyan ke Maharaja
 Mukhde ki Sundarta jalwa hai Maula ka
 Sab ahle nazar shaidayi hai Tum Khwaja e Usman ke dildaar
 Mori baiyan pakad lo aayi hun tumhare dwaar
 Garib Nawaz Hind wali Maharaaj

Aala Nasab Waala Hasab Noor e Nabi Jaan e Ali
 Behre karam husn e ata Hind wali Qutbe Jali
ANJUM to bhala kis ginti mein hai sab ko azmat ka iqraar
 Mori baiyan pakad lo aayi hun tumhare dwaar
 Garib Nawaz Hind wali Maharaaj

SULTANUL HIND GARIB NAWAZ

Tum Shaahe Umam ke chashme karam Sultanul Hind Garib Nawaz
 Tum Shaahe Dana ke naqshe qadam Sultanul Hind Garib Nawaz

Har zarb dil ki ye paigham Sultanul Hind Garib Nawaz
 Hasnain ka Sadqa kardo karam Sultanul Hind Garib Nawaz

Aye buye Gulistaan e Rehmat, Rehmat ka ishara kab hogा
 Deedar ki tarsi aankhon ko Gumbad ka nazaara kab hogा

Chaukhat pe jabeen rakhde aisa maqsoom hamara kab hogा
 Aye nisbat e Rehmat e Do Aalam Sultanul Hind Garib Nawaz

Tum man mein base ho more piya na chain kate din na ratiya
 Tum jaano **ADEEB** ki har bipta darshan ko tadpat hai manwa
 Jo tumre dar par aa pahuncha daaman se mili hai shaane ata
 Fariyad suno aur kardo karam Sultanul Hind Garib Nawaz

AJMER WALE KHWAJA

Aankhon ka noor bankar Ajmer wale Khwaja
 Dil kar diya munawwar Ajmer wale Khwaja

Hai faiz se Tumhare imaan mera salaamat
 Qurbaan main hun tum par Ajmer wale Khwaja

Naalain Paaye Anwar ho jaye gar mayassar
 Rakh lun utha ke sar par Ajmer wale Khwaja

Urfa ki may pilaado dil ki lagi bujhado
 Lillah bhar do sagar Ajmer wale Khwaja

Dar pe koi sawaali jaata nahin hai khaali
 Hain aap banda parwar Ajmer wale Khwaja

Qurbaan hun main dil se Husn e Sadanuma par
 Dikhla do Roo e Anwar Ajmer wale Khwaja

Qurbe Mazaare Athar ho **TAJ** ko mayassar
 Aisa kahaan muqaddar Ajmer wale Khwaja

SULTANUL HIND MOINUDDIN

Waliyon mein tera saani hai kahaan Sultanul Hind Moinuddin
 Hai Raaz e Haqeeqat tum pe ayaan Sultanul Hind Moinuddin

Kooze mein simat aaya darya phir bol uthi saari khalqat
 Ye arz o falak ye saara jahaan Sultanul Hind Moinuddin

Ho Rehmat e Aalam ke dilbar Zehra o Ali ke Noor e Nazar
 Hasnain ke jalwe tum mein ayaan Sultanul Hind Moinuddin

Ajmer bana hai baab e Karam hai Khaak wahaan ki Noor e Iram
 Rauza hai tera sad Rashk e Jina Sultanul Hind Moinuddin

Darbaar mein tere aye Khwaja daaman ko pasaare aaya hai
 Ye **NUSRAT** e khasta ho girya Sultanul Hind Moinuddin

TU BADA GARIB NAWAZ HAI

Teri Shaan Shaan e Yadullahi
 Tu bada Garib Nawaz hai
 Ya Khwaja e Hindal wali
 Tu bada Garib Nawaz hai

Tere dar se daag e jabeen mila
 Ye nishaan kitna haseen mila
 Ye niyaz e haasile naaz hai
 Tu bada Garib Nawaz hai

Hamein tune apna banaaliya
 Game do jahan se bacha liya
 Tera dast e jood daraaz hai
 Tu bada Garib Nawaz hai

Tere kaife zikr se jhoom le
 Tere aastaane ko choom le
 Yahi Aashiqon ka ilaaj hai
 Tu bada Garib Nawaz hai

Na gine gaye wo shumaar se
 Ja pale hain tere dayaar se
 Tera Faiz aaj bhi baaz hai
 Tu bada Garib Nawaz hai

Tu Waliye Hind hai bar mala
 Tujhe kehte hain shahe auliya
 Tere dar ke hum bhi faqeer hain
 De humein bhi sadqa Husain ka

Mujhe Maula Ali ka Sadqa do
 Abhi khaali hai daaman mera
 Mere khwaja sab pe karam karo
 Tujhe Gaus e Paak ka waasta

Jise chaha darpe bula liya
 Jise chaha apna bana liya
 Ye bade karam ke hain faisle
 Ye bade Naseeb ki baat hai

Teri Shaan ANJUM e be nawa
 Kisi haal mein bhi na likh saka
 Tu Khuda e Paak ka raaz hai
 Tu bada Garib Nawaz hai

SOORAT E MUSTAFA MOINUDDIN

Soorat-e-Mustafa Moinuddin
 Seerat-e-Ambiya Moinuddin

Naib e Mustafa Moinuddin
 Khaas mard e Khuda Moinuddin

Noor e Chashme Hasan Husain ho tum
 Dilbar e Murtaza Moinuddin
 Allah Allah Khwaja e Sanjar
 Aashiq e Mustafa Moinuddin

Fakhr karte hain ahle dil saare
 Hai mere peshwa Moinuddin

Kufr o Zulmat mitaane ko aaye
 Sham'e bazme Khuda Moinuddin

Ho nigaahe karam Shahe Ajmer
 Hai mujhe aasraa Moinuddin

Jaam e Irfaan ataa ho QADIR ko
 Mere mushkil kusha Moinuddin

Kaash dekhun tera rukhe zeba
 Hai meri ilteja Moinuddin

KHWAJA SALAAM LELO

Mehboob e Haq ke dilbar Khwaja Salaam lelo
 Sultan e Chisht o Sanjar Khwaja Salaam lelo

Noor e Nigaahe Zehra Hasnain ke dulaare
 Taskeen e Qalb e Haider Khwaja Salaam lelo

Ye Aastaan wahi hai Jinn o malak yahaan par
 Kehte hain roz aakar Khwaja Salaam lelo

Ummid e lutf lekar dar par huwe hain haazir
 Lutf o Karam ke khugar Khwaja Salaam lelo

Ho dar guzar khataayen Maqbool hon Duayen

Aye bekason ke yaawar Khwaja Salaam lelo

Aye Waaris e Zamaana **ARMAAN** ko bhi nibhana
 Behr e Shafee e Mehshar Khwaja Salaam lelo

BANAAI MUJH BE NAWA KI BIGDI

Banaayi mujh be nawa ki bigdi
 Naseeb mera jaga diya
 Tere karam ke nisaar tune
 mujhe bhi jeena sikha diya

Badal gayi mere dil ki duniya
 Ataa ne wo martaba diya
 Karam ki aisi nigaaah daali
 gada ko sultaan bana diya

Karam ke saaye mein hum ko rakha
 Kabhi hiraasan na hum huwe
 Hamaare sarpe jo dhoop aayi
 To Apna daaman badha diya

Ye unki banda nawaaziyan hain
 Jo mujh pe aisa karam kiya
 Bana ke apna faqeer mujh ko
 Game jahaan se chhuda diya

Gareeb dar dar bhatak rahe the

Kahin na dil ko sukoon mila

Karam kiya tune apne dar ko
hamara kaaba bana diya

NIGAHE KARAM MERE KHWAJA

Josh par hain balaon ke tufaan
Had se guzre hain gam mere Khwaja
Khasta haali sadaa de rahi hai
Ek Nigah e Karam mere Khwaja

Marja e Khalq darbaar Tera
Dar hai pyare goharbaar Tera
Be bason be kason ka thikana
Tera Baab e Karam mere Khwaja

Main hoon majboor mohtaj mangta
Tu sakhi tu Gani tu hai Daata
Hai sarapa talab mera daaman
Lutf tera atam mere Khwaja

Gam hai Khud dekhkar mujh ko bebas
Ek teri nazar hai mujhko bas
Dardmandon ki tu hi dawa hai
Chaara saaze alam mere Khwaja

Hum Faqeeron ki sarwat tumhi ho
Na Tawaano ki Quwwat tumhi ho
Be Sahaaron ka Sahaara tum ho
Tum ho bedam ka dam mere Khwaja

Gar che isyaan se daftar bhare hain
 Kaam Neme mein saare bure hain
 Tu jo chahe to saare ke saare
 Dam mein ho kal adam mere Khwaja
 Aakhri iltija hai yeh tujh se
 Ho kadam tera uske sirhaane
 Jab ke tan se juda ho raha ho
 Tere **NADIM** ka dam mere Khwaja.

TERA NAAM E PAAK MOINUDDIN

Tera Naam e Paak Moinuddin Tu Rassol e Paak ki aal hai
 Teri shaqan Khwaja e Khwajgaan tujhe bekason ka khayaal hai

 Mera bighda waqt sawaar de mere Khwaja mujh so nawaaz de
 Teri ek nigaah ki baat hai meri zindagi ka sawaal hai

 Mai Gadaa e Khwaja e Chist hun mujhe is gadaai pe naaz hai
 Mujhe naaz Khwaja pe kyun na ho mera Khwaja Banda Nawaaz hai

 Yahan bheek milti hai begumaan yeh bade sakhi ka hai aastaan
 Yahan sab ki bharti hai jholiyan ye dare Garib Nawaz hai

 Mujhe Khwaja Usman ka sadka do abhi khali hai daaman mera
 Mere Khwaja mujh pe karam karo tumhe Gaus E Paak ka waasta

 Teri deed ho meri eid ho tera naam ho mera kaam ho
 Main nyazmand rahun sadaa tu sadaa hi Banda Nawaz hai

KHWAJA E KHWAJGAAN

Khwaja e Khwajgaan haamiye bekasaan
 Iltejaa sun lo Shaahe Umam ke liye
 Kardo kardo karam Murshid e Mohtaram
 Tumko bheja gaya hai karam ke liye

Noor E Shaahe Najaf mere Khwaja Piya
 Teri chaukhat pe Waliyon ne sajda kiya
 Khalik e Dojahan se yeh rutba mila
 Tere Darbaar faiz o karam ke liye

Shaahe Ajmer mera maseeha hai tu
 Dard mandon ke dukh ka madaawa hai tu
 Teri nisbat ka daaman rahe haath mein
 Bas dawa hai yahi ranj o gam ke liye

Thamna haath Aye Sayyid-e-Maherbaan
 Hai tera kaam Khwaja khata poshiyan
 Laaj rakhna **FANA** ki Moin-e-Jahaan
 Hashr mein Taajdaar e Haram ke liye

DHOOM HAI KHWAJA USMAN KE ANGNA

Dhoom hai Khwaja Usman ke angna
 Har taraf ek halchal machi hai
 Noor ki baarishein ho rahi hain
 Mere Khwaja ki shaadi rachi hai

Aaj Ajmer dulha bana hai
 Aur sehra Anokha saja hai
 Bandhne aa rahe hain Mohammed
 Aaj Khwaja piya ki chhati hai

Chishtiyon mil ke khushiyon manao
 Apne Khwaja se jo chaho pao
 Koi daaman na khaali rahega
 Mere Khwaja piya Sanjari hai

Mere Khwaja Moin-e-Jahaan hai
 Ye Ataa e Rasool e Khuda hai
 Ba Khuda ye aqeeda hai mera
 In ke dar se hi bigdi bani hai

Gaus e Azam ke sadqe mein sunlo
 Sab ke daaman muraadon se bhardo
 Mere Khwaja karam sab pe kardo
 Tu Sakhi aur ibne Sakhi hai

Bat raha hai Tere dar pe Khwaja
 Sadqa Sabir ka Ganj e Shakar ka
 Aur Mehboob Khwaja Qutub se
 Teri khairat sab ko mili hai

TUM HO JAANE ALI

Tum ho jaan e Ali Khwaja Hindal Wali
 Mere Khwaja piya Mere Khwaja piya

Maula Ali ke Noor e Nazar ho
 Pyare Nabi ke Lakte Jigar ho
 Mujh par inaayat Shaam o Sahar ho
 Sayyid e Mohtaram kardo kardo karam
 Mere Khwaja piya Mere Khwaja piya

Jis ne bhi tum ko dukh mein pukaara
 Us ko diya hai tum ne sahaara
 Mera bhi daaman bhardo khudaara
 Waaliye be kasaan Khwaja e Khwajan
 Mere Khwaja piya Mere Khwaja piya

Usman ke pyare dukhiyon ke waali
 Koi bhikari koi Sawaali
 Dar se tumhare lauta na khaali
 Tum ne sab ko diya Sadqa e Chishtiya
 Mere Khwaja piya Mere Khwaja piya

Yaad jo aaye tumri nagariya
 Chanda ke jaisi Dholi atariya
 Tadpu main jaise jal bin machariya
 Ab to kirpa karo Haath sar pe dharo
 Mere Khwaja piya Mere Khwaja piya

NUSRAT hai tum par Qurban Khwaja
ANWAR ka hai ye armaan Khwaja
 Kardo **MUJAHID** pe Ehsaan Khwaja
 Ek Nazar daal do mushkilein taal do
 Mere Khwaja piya Mere Khwaja piya

TU IBNE SAKHI HAI

Tu Ibne Sakhi hai ye duniya ko bata dunga
 Har maangne waale ko main tera pata dunga
 Duniya ko ibaadat ke aadaab sikha dunga
 Chaukhat pe teri jis dam main sar ko jhuka dunga

Main aur kis se kyun mushkil mein madad maangu
 Nisbat hai mujhe tum se main tum ko sadaa dunga

Har Simt yahaan bismil Anwaar ki baarish hai
 Aaina e Hasti ko main aaj jila dunga

RAUSHNI

Khwaja e Khwajgaan Moinuddin
 Ashraf e Auliya e Roo e Zameen

Aaftab e Sipahre kaun o makaan
 Baadshahe Sareere Mulk e yaqeen

Dar jamaalo kamaale ooche sukhan
 Een mubayyin buwad Bahisn e Haseen

Matla e dar sifaat e oo guftam
 Dar ibaarat buwad choon durre sameen

Aye darat Qibla gaahe ahle yaqeen
 Bar darat mehr o maah sooda jabeen

Khaadimaan e darat hamā rizwaan
 Dar safā rauza' at choo Khuld e bareen

Zarra e Khaake oo Abeer Sarisht
 Qatra e Aabe oo choo maa e Maeen

Ilaahi Ta buwad Khursheed o Maahi
 Charag e Chishtiyan raa Raushnayi